

Dumonda Michael (Castasegna) concernent il stadi da realisaziun e dal funcziunament da las regiuns en il chantun Grischun

Ils 23 da settember 2012 han las votantas ed ils votants dal chantun Grischun acceptà cleramain cun 31 788 (77 %) cunter 9410 (23 %) vuschs ina revisiun parziala da la Constituziun chantunala, quai cun la finamira da simplifitgar considerablmain l'uschenumnà plaun intermediar tranter las vischnancas ed il chantun. 11 regiuns han pia remplazzà 39 circuls, 14 corporaziuns regiunalas ed 11 districts. A las novas regiuns pon vegnir surdadas tant incumbensas communalas sco er chantunalas.

Ils 30 da november 2014 han las votantas ed ils votants approvà cun 33 537 (63 %) cunter 20 021 (37 %) vuschs la Lescha generala davart la refurma dal territori che prevesa da crear regiuns simplas, concisas e favuraivlas a las burgaisas ed als burgais. Dapi l'onn 2016 han las regiuns statuts approvads e funcziunan.

Conscientamain èsi vegnì tschernì in plaun intermediar cun funcziuns e cumpetenzas limitadas per pudair ademplir incumbensas surcommunalas, senza impedir la renovaziun da las structures sin plaun communal.

Dapi che las regiuns èn vegnidas creadas èn passads prest 5 onns. Il mument è qua per trair ina curta bilantscha intermediara davart il stadi da realisaziun.

Sin basa da las ponderaziuns menziunadas tschentan las sutsegnadras ed ils sutsegnaders las suandantas dumondas a la Regenza:

1. Co giuditgescha la Regenza posteriuramain il process da la creaziun da las 11 regiuns en il chantun Grischun?
2. Ha la Regenza enconuschientschas da problems e da difficultads dal funcziunament actual da las regiuns? Sche gea, tgeninas èn las difficultads principalas?
3. È la Regenza da l'avis che la divisiun dal chantun en 11 regiuns saja adequata u duai ella vegnir discutada da nov almain a vista mesauna?
4. Datti in basegn d'agir areguard las finamiras, areguard las incumbensas attribuidas, areguard l'organisaziun e.u.v.?
5. Datti elements concrets, per ils quals la Regenza vul preschentar a curta u a media vista al Cussegl grond ina revisiun da la legislaziun vertenta? Sche gea, tgenins?

Cuira, ils 19 da zercladur 2020

Michael (Castasegna), Della Cà, Papa, Aebli, Berweger, Brandenburger, Buchli-Mannhart, Cahenzli-Philipp, Censi, Clalüna, Claus, Cramer, Degiacomi, Deplazes (Cuira), Dürler, Ellemunter, Engler, Fasani, Felix, Flütsch, Geisseler, Grass, Hardegger, Hartmann-Conrad, Hefti, Hohl, Holzinger-Loretz, Hug, Jochum, Kienz, Kohler, Lamprecht, Marti, Mittner, Müller (Susch), Müller (Favugn), Natter, Niggli (Samedan), Niggli-Mathis (Grüsch), Pfäffli, Preisig, Rettich, Rutishauser, Sax, Tanner, Thür-Suter, von Ballmoos, Weidmann, Wellig, Zanetti (Sent), Giudicetti, Pajic